

道園學古錄卷之一

在朝彙一

雍虞集伯生

賦

別知賦送袁伯長



余忽忽處此之無故兮，幾偃蹇以自窮。逝歛裳以遐征兮，抗九霄之雲風。頽三辰之徘徊兮，遲後古以爲期。何夫子之張張兮，亦踉蹌而在茲。于嗟乎，世德之浩浩兮，恥謂人以不賢。陳珮玉於交遠兮，被徒輿以瑤環。設厚顏之鬱沉兮，孰敢即問乎津涯。發疾叫于咽嗑兮，衆披靡而莫支。夫治倡之狐惑兮，豈不足於內揆。顧西子之蓬垢兮，益返忌兮。故意惟前聖之無悶兮，老氏亦貴夫知希。顧涼薄之多懲兮，猶慷慨而尚辭。余固將去此而無悔兮，念夫子之與我日進。余以不及兮，又證余以其可。余嘗究往來之爲道兮，論因革之爲權。莫或

知其漢落兮子獨謂其固然庶父子以自輔兮克有聞以時
行忽先我而南驚兮殆若爲乎余情迺歌以送之曰長江渾
渾兮春多浪波白日耿耿兮擊楫爲歌天薄我賦兮非以病
我于嗟兮昔之盛者何其多

古劍賦

吳季有劍古所服兮先時利行後伏匿兮歷世十百神物來
兮精英上浮父乃識兮截截庚庚玉理仄兮質化光泯黜正
黑兮匡視白日澹斂色兮燧人司金石水泐兮終古不磨奇
雄特兮勿襲勿試靈具戒兮鬼目睽睽頭鬢鬢兮竊擬窺之
自造慝兮靈怒殛女不女貸兮神宮無人帝湛默兮季冠如
山采衣翼兮長身好脩又正直兮稱是容佩有加飾兮魚室
珠繞雜文織兮虞于帝傍順降陟兮握奇中運授神職兮旋
陽制陰物不忒兮辟却百非五兵息兮大宰不劇完以爲德

兮變窮于傳填無極兮

畫枯木賦

夫誰畫此枯樹兮臨不食之散泉既偃蹇又嚼食兮骨岸岸
以弗妍想執筆以極思忽機釋而神旋遺衆壞於斲有勒不
毀之所全或堊去於斤運或石泐於澗穿滄無雨以如晦况
非規而能圓澹黜乎其既失旋蒼然而在前命以物而不可
孰春秋而論年噫吁嘻被草以毛膏慮用丹皆爲流眩願常
注次獨何爲托寂寞於無意而刻畫其不傳者邪

木齋賦

奎章閣藝文監秀才方積昔在匡廬讀書羣木之間謂之木
齋余愛其高秀而賦之其辭曰
夫何磬砢以差我兮據積水而鬱盤有棟楠與豫章兮翳松
柏之九九攬芳草之盈庭兮聽呦呦之鳴鹿濯余纓於滄浪

兮沐余髮乎飛瀑余潔清以有待兮歎望之而彌高絳余駸以非馳兮氣絲薄而心勞感春物之芳苞兮又晚實之不食更千歲其未已兮退自脩乎茲室

操

思魯琴操

龜山之陰陰兮有雲垂天河日而海口兮將見其人望之彌尊兮即之彌親大音寥寥兮中信而真

芝亭求言

古詩四言

味經堂詩有序

國子祭酒魯公伯子暉又作味經堂自為記以勗其子遠公嘗命遠從予遊故賦此詩

維昔玄聖有子過庭學禮學詩詔之丁寧面墻之室繇不知

味親能使學不能使嗜觀于德音詠歌周旋實悅我心邈乎千載聖往言在舍而不求匪罔斯殆畏友輩又窮經篤行既有諸躬思貽厥成既蓄既畚俾稼之食既收既漁俾鼎之實作堂高明曰子遠來吾經在茲遠其味之始予虛羸匍匐來食茹草飲水以禦朝夕窮人得歸自我父師俛焉斯文老至不知煌煌靈芝如彼嘉玉薄言采之在彼中谷南陽之人來詹來言君子豈弟宜其後昆

題宋誠甫侍郎垂綸亭

岷源建高駛無游舫漢會其委安流滔滔爰有君子垂綸其下雖不得魚意甚閒暇援藟引楫至于中沱蔭樹以休悠悠永歌逝波云云不轉維石樂茲忘憂矢言不食烝然雲興風舉以高馳翔中天遺景九臯木其落矣魚亦潛渚曠言夙好除于風雨風吹衣裳彼為栖栖行吟望子寔勞我思山有榛

棘河有鯉鯉豈其飲泉必冷之美君子冠純秩秩大經洞有清酌可以濯纓

高彦敬青山白雲圖

兩崖之間曾不容舸白雲悠悠與山俱高

趙忠簡公祠堂詩

皇元至順三年春解州聞喜縣學用禮部符祠其鄉先生故宋丞相趙忠簡公公六世孫國子博士箕翁求虞集作迎送神詩

山河邈悠宗國爲虛騎箕來歸懷此故都鳴梟在樹飢鱷在渚闕宮不存公食無所董澤之陂有蒲與荷子孫具來式燕以歌瞻彼洛矣其水泱泱斯文在茲俾也可忘

秦檜旣貶趙公於海南隨使人逼殺之公臨終從所寓寺僧索素帛一方書其上云身騎箕尾歸天上氣作山

河壯本朝以付寺僧而絕聞喜之董澤公鄉也

賦衛節婦王夫人

汎汎淇水岸有佳竹閨門嚴嚴樂爾貞獨泛泛淇流岸有松舟闥門間樂爾貞幽汎汎淇右有堂孔阜娟娟貞幽肅肅眉壽淇原有泉可濯可沿其鬻勺尊樂爾高年高年樂止亦有孫子式歌衛風以告國史

題學易齋其人將詣孔林

惟學易君子慎其齋居動息有存起處是於竒耦玩畫方貞視圖書潛靜始夜根動初罔不在中日居月諸乃秉元化以時盈虛共惟玄聖啓我後愚載瞻魏魏魯林鬱如

古詩五言

護草生竹間

護草生竹間翠色相綢繆美人欣有託君子故忘憂昔聞有

鳴鳳飲水來丹丘不食衆木實樂只淇園秋

高竹臨水上

高竹臨水上幽花在崖陰以彼貞女姿當此君子心春陽不
白媚夕露忽已深湘妃昔鼓瑟悵望蒼梧岑

月出古城東

月出古城東海氣浮空濛車騎各已息宮闕何處墜牧馬草
上露吹茄沙際風帳中忽聞鴈傳令毅雕弓

書上京國子監壁

神京極高寒幽居了晨夜雷風無時發零雨每飄灑炎光不
到地蕭爽度長夏大化漠無宰宜必事陶冶揚雄不曉事守
道栖栖者玄經百無徵白髮謾盈把

至治壬戌八月十五日榆林對月

日落次榆林東望待月出七星何煜煜亡角在昂畢草樹風

不起蛭蝸絕啁啾天高露如霜客子衣盡白羸驢趁餘棧
婦泣幽室行吟毛骨寒坐見河漢沒驛人告晨征腫腫騰光
發

憶三十年前與元復初參政同賦秋日梨花元有
句云朝食葉底梨莫看枝上花而忘其後句因續
之云

朝食葉底梨莫看枝上花花開食實後霜風振長柯遠水良
可鑒彩雲亦易過念爾白於雪日莫當如何

李老谷

十轉山崦交九度沙磧溜始辭平漠曠稍接山木秀老病畏
行役慰籍得良觀秋嶺晚更妍寒花晝如繡故園夫如何朝
陽眩霜抽

泰定甲子上京有感次韻馬伯庸待制

翰音迎日轂儀羽集雲路寔寔就書閣老大長郎署為山望
成岑織錦待盈度我行起視夜星漢非故處

賦水木清華亭

中流泛蘭拙望彼嘉樹林落日蕩野水浮雲生夕陰游魚戀
芳藻好鳥鳴幽岑為樂恐易老吾將脫朝簪

天曆戊辰前續詠貧士一首

目昏畏附火枯坐寒窻中破褐著絮重虛且兼冰崇病骨於
此時浮屠看屹撐空呼兒檢餘曆記日待春風雖欣解凍近翻
驚紀年窮貫酒欲自廣無錢似陶翁

又一首畬舍弟見和

蜀侯昔罹憂嶺海萬死中詩書庶不泯焉思祿位崇爾來五
十年所以恒屢空涉世惟信道卓然立頽風漫仕非我能偶
貧豈必窮深耕定有獲歸嘆兩衰翁

後續詠貧士四首

老骨寒不寐夜長况聞風心悸危欲折跼踏敗絮中鷄鳴當
晨參馬疥弱不充山童衣百鷄喚之愧匆匆求火掃木葉庭
樹亦已空決起不敢怠曙光屋南東苟遂牛馬性歸放春草
豐

歸蜀越閩隴棧閣危登天適越河濟隔堰水丈尺間飢寒迫
日暮舟車計茫然東家有一叟欲去初不言早朝聽詔畢喚
馬閭闔前童奴受宿戒向暖爭相先聞之嗔兒子我何為汝
牽襪無千金賈吾足安暇憐

為政貴察色讀書在研覃司視既不明兩者無一堪尚不道
吏責為師固宜慚聖世無棄物况茲夕朝替決去豈我志知
止亦所諳頗聞南山下菊根浸寒潭濯餌千日期冰臙復清
涵老馬果識道更服鹽車駝

天風夕號怒霜日殊清妍探架得古書前日手所編奈何視
茫茫字若萬蟻緣精意成寂寞惆悵還棄捐於惟仲尼衰清
夢不復然小子未聞道何以卒歲年

觀花有感

掛巾花樹枝酌酒花樹下風吹巾上塵花落手中筆清唱起
相壽毋遽且聊暇流光急去人莫怪行樂者

赤城館

雷起龍門山雨灑赤城觀蕭騷山木高浩蕩塵路斷魚龍喜
新波燕雀集虛幔開戶微風興倚杖衆雲散

同閣學士賦金鴨燒香

黃金鑄爲鴨焚蘭夕殿中窈窕轉斜月遙遙動微風綺席列
珠樹華鎧連玉虹無眠待鶴問不知清夜終

退直同柯敬仲博士賦

月下白玉階露生黃金井踈條栖鵲寒寒蕙流螢冷戀朝感
時康懷歸覺宵永晨鍾禁中來白髮聊自整

送良上人賦得井上桐

桐陰秋轉薄井氣曉爲霜交柯舞幽鏡墮葉響鳴璫高巢翠
羽下澄水玉蚪藏上人從定出行吟繞石床

送吳子高

懷寶獻京國悼亡還獨歸日落雲中樹風吹江上衣湘靈瑟
在席織女石支機遠道多寂寞強飯勿相違

于仲元舍賦紅梅

白雪不成夜丹霞遂崇朝妙質承日映飛英向風飄醉來紅
袖近歌罷綵雲消揚州問何遜何似董嬌嬈

寄題新治亭

窈窕治亭嘉蕭條江南秋泛覽山河外張樂鳳皇立公子飛

翠蓋美人回綵舟，從茲至黃髮樂哉以忘憂。

題僖耳東坡載酒堂

翳翳僖耳城，歷歷梳榔樹。百年遺故丘，新堂設賓所。清風海上至，至朝陽在庭戶。丹山五色鳳，覽德屢來下。甘辛熟桂酒，羅列雜諸脯。持黎多孫子，食飲祭先具。蛟龍波浪深，歸來風雨除。

鑿井得甘泉，渴者恒自私。流潤不擇地，委順復何疑。海南絕風雨，水木况華滋。隣舍解讀書，諸生還誦詩。何必懷故都，聊樂宜在茲。星河度白鶴，山月懸蛾眉。來晚去何速，勞人千載思。

盜發亞父塚，盜賊有盜識寶氣於亞父塚，上發之得一劍云。

盜發亞父塚，寶劍實紫之。塚開寶氣盡，獄吏書盜辭。盜言惟見寶，寧知亞父誰。項王不相信，弟子遂與尸。黃腸下深窺，千

歲復何為，大河繞城東。落日在城西，過客立城下。踟躕望安期。

應制題王肱畫吳王納涼圖

雨過太湖上，風生響簾廊。紅綃拂几席，白紵製衣裳。朱光淪厚地，明月在高堂。何以保玉體，長年樂未央。

步虛詞四首

步虛長松下，流響白雲間。華星列耀火，明月懸佩環。肅然降靈氣，穆若愉妙顏。竹宮憺清夜，望拜久乃還。

稽首望太霞，離羅間層霄。細縕結冲氣，要眇出空譙。則參千景精，後引務猷收。攝衣上白鶴，招搖事晨朝。

朱光出東海，高臺迎赫曦。六龍獻陽燧，九鳳保金支。鍊丹軒轅鼎，濯景崑崙池。拜賜冰玉佩，玄洲共遨嬉。

學仙淮南王，問道劉更生。三年鍊神丹，九載凌上清。日月作

環珮雲霓爲旂旌回首召司命靈雨灑蓬瀛

題商學士畫

方士好服食商山多紫芝采之長松下濯以清澗瀉滄涼百
里內秦皇都不知駕舟載男女築宮東海涯

贈藝監小吏

廣術何迢迢榆槐蔭蔽之鼓鐘晨莫起車馬中間馳此有發
居者閉戶教孤兒十歲學文史十五從吏師丹青出天性落
筆有令姿藝監取材伎小大無一遺署兒筦庫下祿薄不足
爲手持一束書求以慰母思告兒勿薄吏公卿出自茲請看
孟氏里軻母自有祠

記子昂畫

春風動蘭葉庭戶光陸離言收竹上露石角掛練衣車行不
擇路不效何楚楚遊子愔忘歸徘徊歲云莫

送西臺治書仇公啓

陝郊得時雨生意始來復存者事稼穡遠者葺墻屋安知凋
瘵餘政可致新福關除正廣術區井表深漬均齊定恒志忠
厚保敦篤豈無憂世士受仕在勸牧爲教苦多違好名常不
足治書肅將指善類庶有助

送張道士歸上清

白雲吁水上自古多仙人手携綠玉杖頭戴白綸巾袖中出
風雨天上禮星辰歸來庭戶靜芳草自生春

日出行

日出上城府日暮當蚤歸城門已擊柝出郭何處依下馬接
館人空垣月當扉涼風振庭樹巢鳥屢驚飛起坐搔白髮
如霜草稀周公不復憂仲尼故沾衣者來有掃色傳聞惟食
薇求之事已晚徘徊行道微

贈治冠者

車馬入隘巷，言尋治冠師。反關不受客，高坐幾書詩。布衣不掩脛，晝食甘藿藜。冠成動經歲，不售亦不辭。我少好文章，把筆無不為。愧爾美家冥，慎終當自茲。

贈馮真後士明

修郎居上京，閱人如風花。拈筆寫其似，千歲留英華。迹來七十年，將相紛在目。來者有如此，往者那可續。昔我初北遊，面白鬢如鴉。點染煩粉墨，華星映丹霞。今如雪中松，苦硬雜蒼白。却視當年容，龜如不相識。不識當如何，臨風且長歌。黃雲接河漢，白雪漫坡陀。乞身願歸老，吳蜀山總好。贈君赤儻螺，翠色秋可掃。

寄陳殿仲助教上都作

學省足清晝，詞垣驚蚤秋。美人隔河漢，落月在高樓。持螯兼

成曲吹笛不勝愁，還趁鳩鵲觀別製鷓鴣裘。

贈鐵菴道者二首

昔遊雲臺觀，山色上衣青松花。春雨落栢葉，秋露零飢來。煮白石，睡起看黃庭。人間忽已老，莫問少微星。海上別妻子，山中求伏苓。白虎戲玄渚，蒼龍護黃局。燒香招五老，行厨庖六丁。從子似非遠，丹霞祭華星。

題商德符華山圖

昔祠雲臺館，行穿御階栢。夕陰嵐氣深，重碧照行客。獨訪張超谷，漸覺巖險迫。冰生玉井頭，日射仙掌側。豈無鐵鎖懸，翻身若飛鷲。恐煩華陰令，不奈昌黎伯。王事况有程，車馬何忽忽。流觀終南山，周覽天府國。爾來十七年，欲往不再得。山河想邈悠，傷殘轉蕭索。摩挲商老圖，彷彿希夷宅。高哉蓮華峯，白雲澹秋色。

寄幻庵主者

朝遊武夷麓，吳人匡廬客。放舟臨野水，采藥過幽林。清泉磨寶劍，磐石鼓瑤琴。臘月歸溪上，還作蚤春吟。

賦茅山道士雲松巢

昔年李太白，廬山思結巢。寒雲自天上，和鶴止松梢。道士潘閒遠，高居古大茅。誦經門卧虎，看劍石眠蛟。飛步脫鳧舄，長吟吹鳳匏。九江攬秀色，許爾作神交。

酬上清道士鈔陰何詩

殘雪松上落，輕冰硯裏生。寫詩過夜半，歌枕又天明。少陵愛何遜，太白似陰鏗。不愁勞弱翰，亦足助高情。

題李漑之學士白雲半間

山中多白雲，何由到城邑。招之恐不來，欲攬遽無迹。栖檐候晨光，納牖作秋色。用冲不為盈，常住寧若客。分張任蒼松，散

落還白石，日照香爐峯。月射仙掌側，有恩封一鄉。與子當共食。

題浴日觀

煌煌赤老鳥，三浴乃出海。波濤始晃漾，宇宙破冥昧。西登泰華顛，東望方丈外。稽首希夷翁，今晨良慶會。

為范尊師賦雲林清遊

大茅千仞下，結屋三四楹。雲林戶牖潤，鶴去海天平。坐上登長嘯，人間聞玉笙。斲苓春霧重，煮木晚烟輕。綠室噓丹氣，蒼崖受日精。樵遺伐木斧，真降引霓旌。九鼎金還就，千齡樹不傾。問誰解居此，云是范長生。

吹笛圖

白雲悠悠去，長松披高丘。匡坐吹笛人，似是馬督郵。飛鴻遺哀響，幽泉發春流。女樂亦何有，逍遙以忘憂。

送甘以禮調官歸鄉

甘君有良材於政無不宜白頭郡縣下尚覺非所施奈何筦庫冗而可繼吏師宜直名吏師積學本書詩高情抗浮雲廉節濯清漪君子安所遇固無喜愠辭嗟我忝從官棘華恒殿帷竟無國士薦徒稱故舊知晚歲向田里藜杖相追隨尊酒以怡老未爲負明時

送李彥方闈憲

文監李公彥方出貳闈憲同朝羣公皆賦詩以爲贈彥方屢擢臺職激揚之宜有不待予言者適有一事深有感於愚衷先正魯國許文正公實表章程朱之學以佐至元之治天下人心風俗之所係不可誣也近日晚學小子不肯細心讀書窮理妄引陸子靜之說以自欺自棄至欲移易論語章句直斥程朱之說爲非此亦非有見於陸氏者也

特以文其猖狂不學以欺人而已此在王制之必不容者也闈中自中立之歸已有道南之歎仲素意中至于元晦端緒明白皆在闈中不能不於彥方之行發之去一賊吏治一弊政不如此一事有以正人心儒者之能事也集卧病日省尤甚援筆書此云

七閩去天遠顛連苦無告牧人受深寄昧者覆爲暴犀象雜金具饑渴劇飮膏大言相鄙夷鬻奪心自校豈無循廉吏實病黑白撓聰明屬流弊聽榮資所到李侯金閨彦圖史擅離校晨聞大夫奏夕理武夷棹君子慎修職寧適豐厚稍蕉荔甘多毒薑桂老堪毛所懷延平翁揚休似明道授受有源委精微足深討言立聖如在表正愚可造師匠久不興真妄如杓鑿云何謂支離肆誕長究傲異言古所誅末學足深悼闈雖在海隅前聞此淵奧正誼從簡編良俗宜善導贈言不及

它持此永爲好

題鄭秀才隱居

陶翁昔好菊荒徑不暇鋤素琴初無絃名酒亦屢虛雖有二
三子薪水不讀書凄凉千載下高名將焉如不如鬼谷洞鄭
子樂有餘種菊以爲田田中更爲廬善藥不二價談鶴送居
諸有子揮五絃涼風在庭除時來青田鶴亦出溪梁魚昨者
遊京師侯門曳華裾捧檄忽一喜翩然告歸與芳菊采甘露
玉漿釀清醕老父坐堂上稚子具盤饗晨遊南山陞暮濯清
水渠席間撫猗蘭房中詠關雎以此得高壽何必南陽居

題朱印竹木

猗猗淇園竹結根磐石安枝幹相扶持風雨不可干其實鳳
所食君子思保完恒恐聲影疏蕭條霜露寒金玉慎高節干
載承清歡

詠史

軒后邈已遠漢武亦雄哉荒忽九州外百年過煙埃變化庶
長久臨海築層臺黃金靡鏤飾喬林摧斷栽樂通竟先死孫
卿殊未回不知作者意空令來者哀奉盤泣繁露馳道殷奔
雷志氣昔所在風雲恒往來

畫古木

荒郊卧蒼苔蛟龍在其上不知風雨來垂影一千丈後主撥
鎗法江南久寂寞空令沒骨畫容易媚中朝

賦蘇伯脩滋溪書堂

滋源恒伏流春兩川乃盈林疇廣敷潤草木俱繁榮臨深見
遊儵仰喬有鳴鶯君子樂在斯齋居托令名積學抱沉默時
至有攸行抽簡魯史存采詩商頌并禹穴追馬公湘江歌屈
生紉蘭不盈握伐木有餘情浩然欲浮海歸興還濯清方舟

我為捐白髮愧垂纓

題薛外史瓊林臺

高臺積方石瓊林樹交柯晨光眩白雪夕景纏紫羅每聞樵
子唱恐是仙人過塵世在足下豈能聞笑歌過海抵騎鶴開
池還養鵝外史政瀟灑太白鳥足多

送張兵部孟功巡河分題得屋上烏

花發上陽春門開未央曙城圻起群栖流光散朝羽息影須
近檐結巢願當戶轆轤轉金井終日灌嘉樹

題彭澤陶氏家譜

百甍在戶外五柳當門前燕去王謝宅人依墟里煙述德尚
千載人情猶昔年以安遺孫子高哉為世賢

道園學古錄卷之一

古錄卷之二

在朝彙二

雍虞集伯生

芝亭永言

古詩七言

賦洛川老人九十

川老人年九十須眉如畫身玉立錦袍金帶方烏巾手挽
強弓無決拾八月平原秋氣高聞有狡獸依蓬蒿清晨上馬
尋暮返累騎毛血懸韃囊身是前朝將家子生逢大平百無
事都將英氣化高年何物小兒堪指使太守上言朝有恩東
帛養牛兼上尊洛川老人過百歲擊壤為歌傳子孫

張令鹿門圖

張侯襄陽人深知襄陽樂十年宦李懷襄陽故托豪練寫山
郭老我不樂思蜀都人言嵩陽好隱居二十六峯常對面水

竹田戶還可圖欲往不能心慄二忽見新園被山嶺沙禽浦
樹俱可入金澗石床爲誰好向來耆旧皆英雄駕言從之道
焉從弄珠月冷識遊女沉劍潭深知卧龍八月霜晴水清淺
聞道扁舟足廻轉何時古寺傍檀溪幾處殘碑在江堤呼鷹
臺高秋草多養魚池中蓮芡波蜀嵩未必不如此我今不遊
柰老何張族三二蚤結屋莫待史磨爲君下要香壠上課兒
耕好在魚梁白沙曲

子昂畫馬

憶昔從公待書殿天閑過目如飛電池邊低有吮毫人神駿
誰能誇獨擅公今騎鯨隘九州人間空復看驂駟惟應馭氣
可相逐黃竹雪深千萬秋

湛二行

湛二天宇玄以黝星白如銀垂近人牛羊散漫草多露天帳

中野傍無隣去年八月羽書急婦女上馬小兒泣今年八月
天子來身屬縶韉月中立

家兄孟脩父輸賦南還

大兄五月來作客八年不見頭總白五人兄弟四人在每憶
中郎淚沾臆我家蜀西忠孝門無田無宅惟書存兄雖筮庫
實父蔭弟竊微祿承君恩文章不如仲氏好叔氏最少今亦
老土郎十歲未知奈嗟我何爲長遠道諸兒讀書俱不多又
不力耕知奈何憂來每得二三友看花把酒臨風哦蜀山嵯
峨歸未得盤二先壠臨川側碧梧翠竹手所移應与青松各
千尺南風吹雪河始冰兄歸烏帽何粟二明年乞身向
天子共讀父書歌大平

子昂墨竹

吳興畫竹不欲工腕指所至生秋風古來篆籀法已絕止有

木葉雕蚕虫黃金錯刀交屈鉄犬陰作兩山石裂蛟龍起陸
真宰愁雲暗蒼梧泣湘血吳興之竹乃非竹吳興昔年面如
玉波濤浩蕩江海空落月年二照秋屋

商德符畫幽篁古木

湘君宮在洞庭湖幽篁古木龍所都石壇雨長碧苔蘚水屋
風動青珊瑚老人欹枕看螻蟻髮婦停舟聽鷓鴣江南蜀道
問來往商公二二今有無

吳郡陸友仁得白玉方印其文曰衛青臨川王順
伯定以爲漢物求賦此詩

將軍騎從公主時宣意刻玉爲文章珠襦已隨黃土化此物
還同金鴈翔軍中只識長平侯西風木葉茂陵秋人生卑微
何可忽碌二姓名誰見收

爲達兼善善御史題墨竹

蜀道荒涼多古木簷管千尺相因依小年慣見今白髮杜宇
夜啼愁不歸老可嘗作陵州守古墨蛟龍多入手春雷每恐
破壁去神鼎空令夔魅走丹丘越人不到蜀脩葉何以能縱
橫內府人家爛熳寫使可見之心亦驚江南御史龍頭客暫
別那能不相憶知君深識篆籀文故作寒泉溜崖石

畫鶴

薛公少保昔畫鶴毛羽蕭條向寥廓通泉縣壁又微泐故物
都非况城郭長鳴閑步兒閒暇解寫高情亦奇作田中芝草
日應長石上松花晚猶落赤壁江深孤月小白雲野迥秋霄
薄羣帝相從絳節朝八公許製黃金蒸誤嬰塵網跡易迷移
召中洲夢如昨借懸素壁憶真侶忽有微風動林壑碧虛家
寒積雪高直過蕭臺絕栖泊

題畫

棠梨生竹間牽牛引蔓相因依晨華墜露天水碧斷蘚絡石
爛斑衣鷓鴣踏枝歲將莫蟋蟀在戶人當歸蕭條落墨人間
稀蕭條落墨人間稀

寫庐山圖上

憶昔繫舡桑落洲洲前五老當船頭風吹雲氣迷谷起霜墮
楓葉令人愁高人祇在第九疊大白一去三千秋石橋二客
如有待裹茶試泉春岩幽

題旦景初僉司畫

旦公山堂城東南畫圖古檜何甃城中無山有山癖直藉
毫墨窮幽探旦公彈琴古檜下齋窗戶生晴嵐春雨時來
鶴鳴谷秋声夜作龍吟潭先皇晝坐羣玉府內使趣召飛
雙駮畢宏韋偃出中秘營丘北苑開滕緘是時旦公主舒卷
一一支士相交叅旦公歸來坐成想亦頗拈筆為橫楠伯熙

奉 詔身有作礪石相並將無慚嗟予懷歸亦已久摩挲老
目百不堪山中宜之真偃蹇可容白髮抽朝簪

題柯敬仲畫

予先世居隆州州治之後山石室翁守郡時隆為陵州州
事簡時來就吾家拾故紙昔作茅蘭竹木之屬所得頗多
吾幼時尚收得數紙今亦亡之丹丘生用文法作竹木而
坡石過之近又以新意作墨花甚妙從子悅有眉山李官
之行立為作此予愛而賦之

昔者老可守陵州守居北山吾故丘太守時來看山雨每畫
紙背成滄洲老蒲松煙色過重揮霍陰崖交劔矛百年離亂
亡故物散篋江南誰復收新圖資當枝葉脩使我不樂思昔
侯碧雞祠前杜鵑叫玉女井上叢篁幽棠梨樹高青子落碧
花翠蔓繁牽牛楊雄無家不歸老蟪蛄蟋蟀寒相求丹丘先

生東海客何以見我空山秋蕭條破墨作清潤殘質刊落精
英留陂陁重複分細草山石縈紆生亂流眉山李官莫厭冷
言歸故鄉非遠遊石田茅屋倘可得萬里欲上東吳舟百花
潭深濯新錦持報以比珊瑚鉤

白翎雀歌

烏桓城下白翎雀雌雄相呼以爲樂平沙無樹托營巢八月
雪深黃草薄君不見旧時飛燕在昭陽沉宮殿鎖鴛鴦夫
容露冷秋宵永芍藥風暄春晝長

敬仲畫扇

松根伏苓如石髓服食令人壽千歲子欲求之觀此圖老身
偃蹇枝扶踈長鎚篝火新雨霽羽人丹丘期不至却剪蒼簷
崖石間吹作龍吟秋滿山

題簡生畫澗松

簡生与我皆蜀人留滯東南几幾春每拂齊紈作山水使我
感慨懷峨岷如此長身兩松樹滿谷悲風散陰霧雌雄如劍
變爲龍鱗鬣齊成壁崖去秘閣嘗觀韋偃圖蒼潤雄深世所
無默識形神出模畫把筆蒼蒼增嗟吁玉堂玉書本同館官
府旣分難復見摩挲新墨慰衰朽鬢雪飄蕭數開卷昔我樵
牧青城山坐起政在雙樹間當時簡生若相見應并寫此听
潺湲刘郎集賢好賓客好著幽窓對晴碧凌靈爲我哦七言
有鶴飛來破秋色

題李受益承旨作東平章萬戶繼志堂後

將軍腰間黃金符父兄功成百戰餘太平不復事弓馬秋雨
高堂聞讀書門有喬松墓有草永言思之願終保幙中賓客
誰屬又東魯儒生国元老

題柯博士畫

磯頭風急潮水長兼葭蒼蒼繫魚榜青山一髮是江南白頭
不歸神独往幽篁繞屋茅覆簷木葉脫落秋滿簾買魚沽酒
待明月定是黃州蘇子瞻子瞻文章世希有謫向江波動星
斗夜投斷岸發清嘯栖鷓鴣驚飛怒蛟吼圖中風景偶相似欣
然揮洒春雲開子瞻應是念鄉里還化江東孤鶴來

題高彦敬尚書趙子昂承旨共畫一軸為戶部揚
侍郎作

不見湖州三百年高公尚書生古燕西湖醉歸寫古木吳興
為補幽篁妍國朝名筆誰第一尚書醉後妙無敵老蛟欲起
風雨來星墮天河化為石趙公自是真天人獨與尚書情最
親高懷古誼兩相得恹淡酬酢皆天真侍郎得此自京國使
我觀之三歎息今人何必非古人淪落文章付陳迹

題溧陽胡氏雪溪卷

去年予與侍御史馬公同被召出居庸未及東折入馬家
壘望縉山度龍門百折之水登色澤嶺過黑谷至于沙嶺
乃還道中奇峯秀石雜以嘉木香草輦道行其中予二人
接轡徐行相謂頗似越中但非扁舟耳適雨過流潦如奔
泉則亦不甚相遠郭熙畫記言畫山水數百里間必有精
神聚處乃是記散地不足書此曲折有可觀恨不令郭生
見之溧陽胡太祝乃以雪溪自號宜所見與予二人同乎
然溧水未秋冰已堅尋常已不可舟况雪時耶當具溪意
云耳因為賦詩云

積雪平沙陰山道射虎殘年不知老豈識船如天上坐翠竹
為帷樹為葆昔乞鏡湖苦不早白髮如絲照清潦它年此地
若相逢應著漁蓑脫貂帽

題楊友直檢校所藏李營立枯木圖

老龍出海蒼鬚鬚營丘枯木天下無
回枝屈鐵墮崖雪澗底應拾青珊瑚
明堂清朝要梁棟朔風吹沙澤腹凍
老身不用嘆遲莫按圖來求萬鈞重

題詹圃老梅圖

鄉人共識古梅樹移植詹亭仍百年
計時當生宣政前僻遠幸遺花石瓶
昔僑室唐尋故物石樓嵯峨白沙白
陵陽慈竹樂公移根節相扶俱遠客
此樹乃在隣邑間看花食實真足
間人言支離故多壽我意培植茲
惟艱華蓋高人世師表爲爾賦詩
歌窈窕詹家孫子多讀書早晚春
雷化龍矯

酬蕭侯送蒲萄

蕭侯昔致蒲萄苗山童不灌三日焦
死西上品復親致手種窻南自澆水
一月當生一尺長移向江頭碎荔牆
秋深雨足馬乳重辛囊石壓青霞漿
是時蕭侯當走馬來訪衰翁茅屋

下酒酣舞劍傾一尊不信金盤露如瀉

題袁塵駒圖

驂駒食粟石每既立仗歸來汗如洗
脫羈展轉聊自恣落花塵土隨身起
君不見春雷起蟄龍久伸霧擁雲蒸
九河水

律詩五言

林臯亭

九月天氣肅鶴鳴在林陰使君甚好
客來者總能吟紅樹秋山近黃華夕
露深隣翁八九十有酒即相尋

題子昂長江疊嶂圖

昔者長江險能生白髮哀百年經濟
盡一日畫圖開僧寺依稀在漁舟浩
蕩回蕭條數根樹時有海潮來

挽胡伯恭令尹二首

二十南陵簿才名舅氏同千金劍客
散一棹酒瓶空朱紱穉

循吏安輿已病翁，神明盡今日嘆惋。謾羣公，
病起思歸日，齋居卧治時。抱孫方在膝，反席遽如遺。江路牽
愁遠，坊門望到遲。遙怜賢弟哭，未忍老親知。

題雪谷曉行圖

踏雪度嶙峋，霜髯跨玉麟。前瞻那有際，後至豈無人。松樹紛
紛老，梅花的。春金烏海底出，遍界爛如銀。

送先隴二隣僧還吳二首

蘭若背山陰，松筠夾迳深。門間容虎卧，湖近听龍吟。雨過泉
添澗，風飄磬出林。衲衣皆旧識，一一謝幽岑。

東嶽憶招提，幽尋日未西。過山隨虎跡，倚石待猿啼。雲外催
歸錫，松間覓旧題。下隣吾欲老，母惜伴扶藜。

節婦王夫人刘氏

憶昔中丞在清淳，古道存節高賢女。弟文托外諸孫慈，竹宜

家慶桓楹表，國恩燕秦鬱相望。美俗繫人門。

次韻阿榮存初參議秋夜見寄

寓館城門夕，高秋雨露開。天垂華蓋近，月轉紫垣來。疏闊思
良會，淹留到不才。深期謝安石，揮麈散風埃。

雪谷早行

積雪擁柴門，行人稍出村。溪頭或遇虎，木末不聞猿。接棧廻
山閣，支橋就樹根。駘車上重坂，回首見朝暾。

雪岩樓觀

高閣丹青起，中天紫翠分。窻當大白雪，門俯九疑雲。伐木山
人去，吹簫帝子聞。塵中歸未得，春思轉紛紛。

送人之劔閣倅

往年登劔閣，快馬著春衫。設險懷前賦，磨崖覓舊劔。鄉人遊
雪界，郡倅試冰街。歸道觀新政，春江不掛帆。

寄子山尚書

竹色侵衣碧重簾，雨氣深白鵝翻墨。沼紫燕入書林，北海春尊側。西山夕閣陰，東曹公事少歌。舞散黃金。

漫興

雨閣添衣潤，風簾隱几高。白頭更事少，病日向書勞。南客傳音信，東家問酒醪。江邊茅屋破，歸楫若為操。

送張尚德

史館薦張尚德為檢閱官，朝廷以為宜，稱可其請，未奏也。有司以闕簿注新進士尚德，頗有聞，即歛裳宵逝，噫進退若是，可以信史館之薦人矣。予力雖不足以留之，亦終不敢失之也。故作是詩以餞之。

六月初聞雨，官河潦水生。江南歸宋玉，稷下謝荀卿。鷓鴣青霄迫，蕪葭白露盈。都留詩興在，來聽上林鶯。

寄丁卯進士陸都刺天錫

江上新詩好，亦知公事閒。投壺深竹裏，擊馬古松間。夜月多臨海，秋風或在山。玉堂蕭爽地，思尔佩珊珊。

送趙繼清令尹之官安陸

雲夢開七澤，陪尾貫連山。為政煙塵表，吟詩松竹間。故人總華要，令尹獨清閒。文章偏宜老，母愁鬢髮斑。

明皇按樂圖

新度霓裳曲，三年教得成。驚鴻渾不下，飛燕若為輕。芍藥春亭莫，芙蓉野水生。梨園多白髮，吹笛到天明。

送長沙守

白髮長沙守，循良又好文。近辭金馬去，遠有玉魚分。對竹聽湘雨，開簾看嶽雲。漢廷思賈誼，一飯莫忘君。

送趙編脩祀西嶽江瀆

西道祠官去，東風入旆斜。陰已歸鴈，江水正飛花。歲事聞
宜穀，鄉人喜過家。老來思故里，欲寄使君車。

代衆仲作

昔在泉州住，將軍每見招。春雲山對屋，夜雨水平橋。池鴨穿
荷葉，溪魚上柳條。禁城鐘鼓起，車馬晚蕭蕭。

題宋雲奉大常臨汾二節婦序後

許氏姪從姑，相承患難餘。自傷還自擔，同志復同居。白髮冰
霜共，丹心鐵石如。有闕名教重，瓊重太常書。

送王照磨之官雲南

遺朝珠浦歸舟，熨道溪飛。鳥愁暑雨走馬畏，山泥官署尊。
丹鷲祠官勝碧鷄，題詩遠相送。紅日五雲西。

玉堂燕集圖

朝廷多暇日，別館又青春。薄醉猶催酒，清歌况有人。玉堂金

硯匣翠袖白綸巾，老去清無賴。憑誰寫寫真。

寄荅桂風子先生

深隱廬山裏，題詩忽見存。風高應跨虎，月落更聽猿。酒熟邀
皆去，丹成笑不言。雲屏第九疊，相與浴晨暎。

寄蕭田先生

懸榻塵生席，深居畫下帷。齊眉安饋食，擁髻近歌詩。藥裹須
鍾乳，書題憶荔枝。白頭吟更苦，何必蜀人思。

鄭谷圖

道士徐太虛，生紙畫山居。林壑春煙裏，桑麻夜雨餘。過橋九
節杖，連屋一床書。似是子真公，歸耕三月初。

畫檜

茅山多古樹，此檜更長生。鶴鶴棲來穩，蛟龍化得成。雲深還
近月，日落似聞笙。千載如相見，蒼然故舊情。

李負嶠墨竹

河東李學士隨意放洋州月落亭陰迥雲生谷口幽江濤空
渺渺筆墨更悠悠瀟灑西清地令人憶旧遊

為歐陽少監題宋好古竹

幕中能寫竹作此雨瀟湘出石根还瘦臨溪影更長班之推
子立一一鳳雛將日有長安使平安問老蒼

贈楊友直

雒陽楊友直字擬漢中郎畫若錐穿石垂如雨漏墻舞花羞
女美醉草笑僧狂昨日鴻都李煩君寫數行

題朱郎竹木

江上復春雨曾陰覆碧波石高龍影卧林迥鶴聲過解佩倚
蘭浦揚旂落木坡佳人翠岫薄日莫欲如何

寄阿魯學士

問訊東泉老江南又五年涼風鳴步屧明月棹歌船陪講長
懷旧遺朝獨後賢治平二三策蚤晚玉階前

赤壁圖

過鶴生新夢携魚憶舊遊清霜凋木葉落月湧江流隱者時
堪訪良田亦易求如何玉堂夜白髮不勝愁

題况有吾縣令贈行卷

縣庭都禁謁祇許見諸生接壤皆吳季遊民亦願耕絃歌居
室迥山水畫圖清十載雲巖石能留令尹名

送朱萬初之廣東照磨

聖主多清暇臨池愛日長天章垂鳳彩雲氣動龍香進諫慚
簪筆爭書敢近床承恩君家蚤服玉向炎方

八月八日有感題視草堂壁

載筆趨芸閣探囊索緼袍坐銷秋日淨心折夜風高識字頭

先白謀生計轉勞，文園多病渴常想。賜蒲萄。

賦程氏竹雨山房二首

春雨過山竹，幽泉繞舍鳴。燕泥書帙晚，魚浪釣絲晴。奉席從孫子，連床總弟兄。舊聞林下叟，讀易到天明。遊子聞春雨，思親望故園。竹間開几席，花底注山尊。累世書連屋，頻年稻滿村。卜鄰淳朴地，絕事欲重論。

戲作試問堂前石五首

試問堂前石，來今幾十年。衰顏空雨雪，幽致自風煙。微醉寒堪倚，孤吟靜更眠。旧湖春水長，誰繫釣魚船。爲問堂前石，何年別太湖。春風神不王，夜月影長孤。不中明堂柱，空遺長嶽圖。頗思嘉種木，歲晚與相扶。爲問堂前石，何无藤蔓纏。金蓮疑可致，紫菊若爲妍。旧夢遺波浪，閒情閱歲年。祇緣相識久，親爲濯清泉。

碣石父淪海，女媧曾補天。乾坤遺最尔，霧雨護蒼然。淬劍龍隨化，彎弓虎自全。昔賢多賦此，誰賦最流傳。

爲問堂前石，屢逢堂上人。遠來嗟最久，獨立與誰隣。運載勞車馬，摩挲識鳳麟。亦登車書吉日，追琢到嶙峋。

代石答五首

幸自隣頑鄙，毋煩問歲年。當寒金作礪，向暖玉生煙。眉黛無歸意，毛羣有叱眠。涼州三百斛，亦未醉航船。

昔觀一柱觀，還度幾重湖。雪在身還瘦，雲生勢不孤。研穿鄴臺瓦，賦就草堂圖。芝閣玄雲在，危踪敢藉扶。

牛角何堪斫，蝸涎謾自纏。沉冥辟邪古，蓋澁望夫妍。神物須清鑒，靈根屬小年。金輿曾共侍，千載憶甘泉。

轉徙寧論地，存留亦信天。露盤危欲折，劫火不同然。誰下殘經斷，岐陽數鼓全。向无文字托，寂寞竟誰傳。

去歲留詩別嗟哉白髮人冠依子夏製居切左丘隣執籥充
振鷺脩辭綴獲麟終須愁坎壈勿用誚嶙峋

送魯子翬廉使之漢中

封上頌臺礼輕車入漢中節毛吹滑雨木葉動秦風把酒臺
基古馳書歲事豐朝回倚西閣日日數歸鴻

立春夜試墨

輕雪作春花飛來入髮斜紫貂迎曉霧絳蠟炫晴霞青詔頻
趁閣思歸即借車幾時將稚子隨意踏江沙

蜀人曲江之官贈以墨竹

粘筆寫琅玕清風入室寒蜀山空偃蹇海郡更盤桓雲霧瑣
簫遠冰霜玉節完莫忘鄉里意持向曲江看

正月十一日朝回即事

宮柱春陰合霓旌拂曙來天光臨閣道雲氣轉蓬萊書漏沈

沉鼓晨尊灑二盃香霏簾底霧樂殷殿前雷祥瑞儀曹奏球
淳尚食催舞庭分鷺序效獻過龍媒融雪微生草輕風不動
埃老人南極至王母上方回玉色何多喜金華得重陪裁詩
賀新雨西閣待門開

贈別兵部崔郎中整還高麗即回中朝

東髮來東海從軍護北門珠光連旭景玉氣達春溫淵靜龍
含德門嚴虎列屯從容參帳帳慨慷屬繫鞬拜表推黎獻趨
朝謁至尊雲依温室樹星入紫微垣不道璫璣貴仍嬰管庫
煩利行雖近市義守不窺園眷遇忘身得危難欲手接懷邦
維父母於國實甥婚 還羈勒原 致璧殮魯連名竟重
箕子教應存簡在從當日扶持 宿藩清宮風肅 二 驟來火
燁 帝新為郎重王家報礼醪暫伸桑梓敬未爰李桃繫神
闕款期蚤康侯書錫蕃九成思閣鳳六月待冥鷗

次与筠軒司徒足成旦公所藏

英宗御題之句元題曰日光照善民月色清我心
又題琴曰至治之音

化国多長日高人侍紫宸觀書從上相屬筆念生民雲漢文章
備風雷號令新惟應青簡在能載古風涼御翰龍池曉繡
經驚殿陰雲依清靜葉月印妙明心千載堂一去諸天肅
臨朱絃誰為鼓至治有遺音

次与李侍讀東平王哀詩

宇宙生奇變明良陷逆圖傳聞昏白晝悲憤結全區治極穢
潛否恩深事失謨犯車仍斷軌壞戶竟傷樞魑魅嫌明鏡強
梁忌雅模甘心成首禍藉口肆羣腴隱忍危衝決憑陵善唯
俞自天倏鈇鉞累月具篋壺畏革疑亡地招魂競出都笳鳴
殘夕月馬憤四交衢所痛倉皇際將无古昔殊腹心何盡蝕

肘腋不支梧列位多翹楚干城總豹驅詎言歸厄數不復頌
貞符天討公無赦皇心愛不姑報讎論姦變錫爵酬嗚呼相
業今如在民生寔少痛誰能疵璧玉唯有泣瓊珠執簡書羣
盜當関欠一夫馳奔嗟薄日沐浴止中途決去思投關違之
或况湖危知无復死恨不奮前誅春雨煩冤滌朝陽癘思蘇
謳吟申感慨述作惧荒蕪芒忽思離散煮蒿起苑枯神還嵩
岳峻氣直斗杓孤陟降先皇側回翔造化徒英靈常會合瞻
想宜虛無

慶史顯甫治書父八十

治世尊三壽高年見八朝羽儀參漢皓神觀邁周喬柱下声
名遠壺中日月鏡微醲霞灼一新沐雪簫地厚原初峻天
全玉不瑤一經傳令子貳憲肅羣僚侃一称時望英二樹國
標繡衣兼綵服白日上青霄上壽歸祭異推恩錫爵超紫深

宗伯橐金重列侯腰環膳應恒從安車必見招乞言逾藥石
報德林瓊瑤千歲庭來鳳羣工韻合韶陳詩方懿頌擊壤比
康謠

送国王朶而只之遼東

大祖收中夏元臣有武功建邦開土宇爲位冠君公奕世王
章在諸孫相業隆春秋周正月札樂魯新宮鹿幣金遺耐熊
侯筭失中河山仍鉄契宝玉右瑀弓投筆鄒枝秀揚於茂綰
雄塞雲依碣石凍雨洒遼東戎器囊藏及賢書奏納同大夫
勞誓御悖史采民風

送陳碩

莆田陳氏慶曆名法從故家也自衆仲來京師集得友焉
凡問事脩己之事有益於愚陋多矣又從知其父兄之賢
也問所自出則南塘趙氏信乎其孝之有傳矣嘗以其從

子碩來見予愛其端謹可望南歸首以衆仲送之以文予
不能忘也乃賦詩曰

六歲過閩郡音聲憶滿城日盲今子夏心醉昔延平尔叔同
游息吾文愧老成每分靈席暖相對一燈明遠海乘桴意高
山伐木情願携筇竹杖往看離支生曙掾青衫旧趨庭絲服
輕爲言穿木榻亦未厭藜羹留飛鴈蘭舟及轉鸞佩懷
湘渚贈綬向會稽迎去去江雲濕飄飄二島霧清重來知有意
時我已歸耕

奎章閣有灵壁石奇絕名出御書其上曰奎章玄

玉有勅命臣集賦詩臣再拜稽首而獻詩曰

禹貢收浮磬堯階望商雲自天承雨露按地起網緝擊拊磬
音合衡從玉兆分巨鼈二島力威鳳九苞文辨位資乾坎爲
山墳幅員固知貝寶藏不假運神斤書帙侵春潤香爐借宿

薰烟光晴舟二波影畫二融結絲元化登崇荷聖君瑞於
龜出洛重若鼎來汾柱立尊皇極磐安廣帝勛詎云陳秘玩
因願獻前聞

送南宮舍人趙子期宣 詔交趾

三年頒正朔五月向南交將命方離關陪臣已在郊衣裳鴻
羽漸干成虎皮包瘴霧衝風散瀧湍急雨拍朱鳥窺上室白
雉下摺巢夜浦鮫停織陽岡荔折苞初筵分豔麗後騎器笳
鏡諷日脩王貢兼時賤客庖方言書及理海錯藉青素漢柱
苔侵篆秦林柱拂旂括囊無意以當戶有蟪蛄即見還英節
毋煩筮繇爻

道園學古錄卷之二

道園學古錄卷之三

在朝臺二

雍虞集伯生

芝亭永言

律詩七言

送袁伯長扈從上京

日色蒼涼映赭袍時巡母乃聖躬勞天連關道晨留輦星散
周廬夜屬橐白馬錦韉來窈窕紫駝銀甕出蒲萄從官車騎
多如雨抵有楊雄賦最高

代祀西嶽至成都作

我到成都纔十日駟馬橋下春水生度江相送荷主意過家
不留非我情鷓鴣輕筏下溪足鸚鵡小牕知客名賴得郫筒
酒易醉夜深衝雨漢州城

贈星上人歸湘中

潭北湘南無影樹，一花吹度海門潮。天香滿室定初起，雲氣
上衣身欲飄。寶月夜寒龍在鉢，銀河秋近鵲成橋。豈無一箇
卽州竹，與尔松根共寂寥。

子昂秋山圖

翁昔少年初畫山，丹楓黃竹雜潺湲。直疑積雨得深潤，不假
浮雲相往還。世外空青秋一色，牕中遠黛曉千鬟。瀛洲雞犬
同人境，尚想翁歸向此間。

題黃竹村所藏畫卷

雪後城陰雪一坡，寒梅疎竹共婆娑。經行不覺籃輿遠，點染
還疑綵筆多。蜀棧煖雲生野樹，匡廬晴照落江波。商公已老
高公死，惆悵誰人奈汝何。

過池陽與周南翁同知

使過池陽聞上白，好懷沿蕩爲君開。江干維楫車馬集，亭上

持盃風雨來。通夜魚龍聽語竟，明年鶯鷺憶朝回。九華秋色
翠可食，爲問謫仙安在哉。

安慶路雙蓮寺得上人超然亭

超然之亭何所超，雙蓮孤塔共名號。城頭疎雨散花至，江外
斷雲將樹朝。晨飯舊從香積化，晚鍾常送海門潮。尋原悵望
空歸去，此地安禪試往招。

謝茅山主者贈白羅縠衣請爲作大洞祖宗師四十五贊

鶴氅裁成雪色新，仙翁持寄感情真。清高自此全拋俗，寬博
由來穩稱身。佩玉洞聞雲外響，劍光飛射日中塵。畫圖寫向
群真裏，便是揮毫贊詠人。

送莫京甫廣憲經歷

延春閣下承恩日，是我經帷侍講時。方擁青編臨綺席，遙看

朱紱拜丹墀，風微細草鳴。珂珮日煖飛，花近鬢絲上。憶遠人常軫，念莫言南海是天涯。

集與諸公遊尚書何公山莊，公孫斯明先為剪薙荆榛，并致酒饌，遂得瞻敬尚書墓，道盡日乃還，偶成四詩，酬斯明兄弟并簡同遊者。

盛德高年陟泰階，歸尋仙隱石樓開。舊聞前引朱衣吏，母為行吟綠逕蒼苔夜。色園林瓊圃樹春寒，庭館石湖梅誰家。今有賢孫子，黃菊高秋與客來。

先君夙有登臨志，老去無能共往還。敢謂菊華憐寂寞，許教筇竹歷孱顏。地高天近惟秋好，雲淡風輕盡日閒。早晚涪翁酬素約，更從几杖一躋攀。

石梯一逕仙凡交，過此先見蒼崖坳。幽穿斗角潛蛟窟，危出雲根棲鳳巢。題字百神驚澗底，嘯歌衆籟越林梢。重吟仙伯

石樓詠一解齊人山鬼嘲。

黃姑仙屋置屋宇，我躡飛磴如猿猴。環山翠黛是城郭，平地白雲皆海濤。人頭關上走馬健，仙掌峰前飛隼高。願得金丹換毛骨，三清八極共遊遨。

黃氏妹之壘，余以他故不及送之。既壘之，明日仲常弟與譚元之表姪述事，與懷形諸詠，嘆後十餘日始得併見。諸公和章，集憂患之餘，觸事易於傷感，俯仰存歿不覺，清涕之交頤也。依舍弟韻亦述二章，一以示黃氏諸甥，一以寄元之表姪。

寒泉滄二山木，秋予弟行役荒原頭。忍聽諸生哭慈母，浩將孤淚灑新丘。山川神氣蚤晚復，珠璧輝光日夜浮。不惜衰年待爾輩，受成積德過公樓。

憶別高堂十五秋，不堪俯仰雪盈頭。羽時贈玉歌清滑，子正

將車從太丘久矣孤懷成寂官助哉古學矯厲每看全第
承咨辨如見從容月滿樓

題故太子少傅翰林承旨李野齋幽居圖

車蓋歸來托遠林曾山齒翠曾原深漁樵相識頻分席賓客
時過共賜金百歲儀刑猶近古五朝文物至于今披圖想見
登臨地松滿徂徠起夕陰

送江聲伯

家近茅峰無百里羨君來往及清秋每看丹井晨光起幾見
龍池雨氣浮白髮紅塵嗟我老素書玉訣使人愁仙都群老
渾相識定著雲裘訪羽丘

歐陽元功待制入院後僕以兼領成均辰酉甚嚴
絕不得相見今夜當同宿齋宮賦此先寄并稟謝
敬德脩撰

學省初兼禁直稀故人同署却相違食餘首宿承朝日坐候

棠梨過夕暉

成均堂東有棠梨樹日影至則解生始散二十餘年矣

預喜奉祠秋寺燭

定知催襪早朝衣今晨瘦馬經門巷想擁青綾尚掩扉

次韻張蔡國公淡菴青山寺詩

相國觀山負夙期聖恩祗許暫相違身隨雲影留三宿心了
泉聲絕百非開士談空依寶樹野人耕雨薦山薇雙龍深護
安禪處繞坐諸天近紫微

次韻國子監同官

坐隱烏皮髀肉消諸生應笑懶邊韶階前老馬隨秋草袖裏
遺編俟早朝乞米西隣晨有粥留家南國暑無銷經明亦是
歸耕好清夢無時萬里橋

學官南直禁垣陰假寓唯愁兩壁沉一曲鏡湖遺老事二年
經帳小臣心銀河回夜天逾近草迎迎秋露轉深珍重鄉人

居巷北時能來往和鳴琴

次韻馬伯庸寶監學士見貽詩并簡曹子貞學士
燕信臣待制彭允蹈待制

禁廬曉直夾城西，經筵龍光映壁奎。繞閣浮雲飛野馬，當階
生草伏馴麋。審行已識天無妄，風烈唯聞帝弗迷。徒積寸誠
無補報，每還米署欲鷄栖。

其二

奉節通宵虎帳西，重光貫玉護文奎。賜餘分食兼羔雉，侍側
專茵雜豹麋。樂事易成團月怨，吟情深入五雲迷。上林更有
高枝在，彩鳳還來擇舊栖。

鼇峰者國史院庭中石名也。伯寧御史為僕言自
其先公時與諸老名勝賦詩者蓋數百篇。今玉堂
無本而御史家具有之。且曰峯所托差低盍稍崇

其址乃八月五日既克如命因賦此以報且請錄
示舊詩補故事以傳云。

視草堂前石一峯，何人移置自何年。久憐翠色連重地，故拔
孤根近九天。俯仰百年承雨露，等閑千尺接雲煙。故家御史
遺書在，為錄鼇峰舊賦篇。

進講後侍宴大明殿和伯庸督善韻

丞相承恩自九天，講臣春殿秩初筵。養賢敢謂占願家，陳戒
猶思誦抑篇。既奏文韶兼善美，豈無后稷暨艱難。願推餘澤
均黎庶，樂口邦基億萬年。

劍履歸來帶玉瑤，元臣促召不崇朝。香篝誠與朋求助，納約
須從牖向招。御柳新條臨書殿，仙桃曉色上春潮。校書寂寞
揚雄宅，亦賦凌雲麗九霄。

十一月二十夜思仲常弟

江梅應發去年叢叔也俄爲畢竟空來後去先康節苦離多
會少子瞻窮近書時閱猶疑在舊學重思孰與同萬里相從
隣季子白頭清淚夜牕中

還京聞計在秋餘老淚無多眼易枯丹旄到無煩入夢佳城
得否未收書食貧未已憐孤幼述德無聞愧老夫忍讀近紙
成永訣爲教衰薄趣歸與

次韻道士竇神清賦舜粟

帝德無爲保太和歷山遺種有嘉禾想經授教躬耕法正及
堯時擊壤歌旆二九秋新雨露離千古舊山河曲肱飲水
幾忘肉最憶宣尼感歎多

太一道士張彥輔族本國人從玄德真人學道妙
齡逸趣特精繪事爲其友天台徐中辛用商集賢
家法作江南秋思圖東觀大隱蜀虞翁生爲賦此

詩

二年別却釣魚磯畫看新圖夜夢歸石壁蒼松含爽氣江沙
翠竹弄晴暉西瞻雲嶺家何在東入天台路轉微賀監若蒙
湖曲賜通翔千仞振塵衣

贈竇神清歸隱茅山

翩二歸鶴自遼東又向茅山擬住冬啄食定依何處竹結巢
應得古時松雲滿空山騎一虎月明秋水佩雙龍別來彷彿
三千歲亦欲還樵第一峰

題南野亭

門外煙塵接帝高坐中春色自幽亭雲橫北極知天近日轉
東華覺地靈前澗魚游留客釣上林鸞轉把杯聽吳嗟章曲
花無賴留檀終南雨後青

送貢仲章學士奉祠嶽瀆

三十過從今六旬故人唯我兩吟身空華作賦相為壽寧復
升堂互拜親送別轉令嗟影獨思歸從此上心頻南湖春滿
鷗波綠定艤乘槎往問津

次韻吳成季宗師赤城阻雨

人間伏日當蚤休道上馬車如水流神仙不愁風雨夕父老
已知禾黍秋誰憐司馬久多病惟有杜康能解憂北溟之鷗
六月息載我八極歌遠遊

次韻伯庸尚書春暮遊七祖真人庵兼簡吳宗師
賞心不作二春過高興都為百事牽願解蘭舟溪水汎思携
藜杖野雲穿真人館在無塵界太尉詩如絕行仙花下共遊
仍獨往不辭泥醉晚朝天

石渠承雨作流泉中有參差行菜牽花近飛觴魚駭逝柳低
步障燕隨穿紅塵朝路常參吏清書齋居幾劫仙但乞會稽
尋曾藍酒船一棹水中天

花時宮館多賓客春酒盈缸餽在牽據石發歌風為起臨流
揮翰硯將紫紫髯一去惟憑蓋及白髮頻搔豈解仙賴有看雲
高閣在江東烟樹共晴天

一住京華三十年春花秋月謾相牽高情總付珠簾卷危坐
空餘木榻穿水曲停驂新襖事墻陰題字昔遊仙動成陳迹
多惆悵安得長生老後天

送宋誠甫太監祀天妃

使者受節大明殿候神海上非求仙廟前水生客灰止惟中
靈語風冷然麗牲有石載文字沉璧用縑求淵泉賈生何可
久不見海若率職君子還

觸石墜馬卧病蒙 恩予告先至上京寄漑之學

士敬仲參書

翠幄臨都尚駐郊言瞻龍漠度前宗雨餘草氣千原合日下
雲章五色交給札脩辭持玉筆賜羹充腹出瓊庖白頭感遇
知何補阿閣清嚴栖鳳巢
趨召顛隳歎目昏旋聞予告荷深恩藥頒西域千金劑酒賜
初筵九醞尊默憶舊書忘書永行吟冷著覺春溫摩挲素壁
光於雲思得參書寫樹根

閒閒宗師和前韻期望過當復用韻以謝

草堂長憶蜀西郊屢卜歸休自折茅司馬檄傳驚父老少陵
詩苦入神交山多美竹深宜屋江有嘉魚遠致庖乞得閑身
當及早堯時元自有由巢
書卷連床度曉昏懷歸猶復戀君恩養生賴得南華論好客
時傾北海尊山木向秋俱老大海霞迎日共清溫蓬萊正與
鼇峰接幾見浮雲起石根

雲州道中數聞異香

雲中樓觀翠岩巖載道飛香遠見招非有芝蘭從地出略無
烟霧只風飄玉皇案側當霄立王母池邊向日朝却袖餘薰
散人世九天清露海塵飄

次韻楊友直北行道中

蕭蕭戎馬昔升虛壯士吹笳慘不舒關外羽書二月急道傍
茅舍百年餘沙田雨足仍生黍河水冰消不禁漁洛下賈生
猶獻策平明立在玉階除

王儀伯參政見和郊字韻詩復用韻叙謝

龍游宮沼鳳游郊通水明堂不剪茅縣絕草儀三日具大亨
饗帝五雲交執輿已信神爲馬和鼎寧容祝代庖八月涼風
張樂地頌聲洋溢播雲巢

聖遠言湮感墊昏河汾千載最知恩垂紳論道稱削去束髮

明經奉至尊車騎身從游汗漫庭闈心在視寒溫朝回未覺歸途晚斗柄西移揭角根

十月十六日奎章奏對回至李漑之學士宅宣旨行香孔林按上得佳紙因賦此詩并得其鎮紙

玉蟾

聖恩深念魯東家林木蕭條散暮鴉丹詔先令脩古廟彤庭即日遣皇華閣中學士馳山驛天上文星絢海霞偶為傳宣到書閣就床奪得玉蝦蟇

次韻馬伯庸尚書

邃閣晨趨禁掖西莫街騎馬及鷄栖退朝每想花邊散得句應從竹上題賜被南宮無宿火齋居方丈有蒸藜鳳池何似承明近久候文星共聚奎

送甘太史祀名山大川

太史名山閱秘經承恩衣繡許趨庭江頭飛蓋逢春雨林下幽人識使星宣室夜深蓮燭絳石渠風煖竹書青清朝盛典須成蹟最想過歸駟馬駟

就甘太史并寄天台武夷太無三君

武夷山裏芝三秀華頂峰前黍一炊湖老每懷鴻去遠山人毋謂鳳來遲浮閣紫氣緣書住照夜青藜賴客知賀監清狂天所放故令華髮待安期

子昂墨竹

高崖數竹凌風雨老可當年每畫之情影自憐流水遠虛心如待出雲時縱橫鴻爪留沙磧死轉鸞群向墨池百世湖州仍見此故知王子善參差

二十五日即事呈閣老諸學士

松陰鵠立候宮車風送飛花著白鬚水影漸移簾側畔鸚鵡聲

祇在殿東隅近床擬進名臣操載筆親題列女圖大液雨餘
波浪動龍舟初試散魚鳧

賦胡氏皆山

萬山起伏如波浪外固中寬故可居日出擁金千仞雲雲生
納翠八牕虛亭中留客多為酒谷裏成樓更貯書朝往吳歸
勞杖獲醉翁應不憶環滁

賦礪山成簡卿心遠亭

作亭臨河河水渾草樹繞屋啼鳥聞夢回枕上彭城雨日送
檐間芒礪雲歸來黃菊有佳色坐老青山無垢氛但願尊中
長得酒曲阿莫問舊茶軍

送全州錄事

清湘郡城公事少錄事官曹盡日間且可隨雲度流水更宜
把酒看青山僧前虎跡石苔紫雨裏鳥聲江竹斑應會吟詩

一百首寄與明年春鴈還

與衆仲助教讀王臨川遺事慨然興懷良上人爲
蔣山善公求送行因爲賦此

霜筠雪竹鍾山寺最憶臨川舊所遊病骨荒陂秋澹々白頭
遺恨思悠悠燕歸雲海迷華屋鷺起星河近絲舟欲托善公
重到日松間石上試相求

玉堂讀卷

玉堂策士詔儒臣御筆親題墨色新省樹坐移簾底日官壺
馳賜殿頭春虞廷制作夔龍盛漢代文章董賈醇書閣莫年
偏感遇但歌天保答皇仁

謝吳宗師送牡丹并簡伯庸尚書

輕風紫陌少塵沙忽見金盤送好花雲氣自隨仙掌動天香
不許世人夸青春有能當牕近白髮多情插帽斜最愛尚書

才思別解吟胡蝶出東家

和范德機從楊搗進士見寄

清江先生最好奇，十年不出髮如絲。
田舍每詢歸後計，玉堂今見寄來詩。
風前雨過林花動，日下雲行省樹移。
還覓舊遊春欲莫，楊搗為我道深期。

送進士劉聞文廷赴臨江錄事

清江百人石為城，太華千峰積雨晴。
官府幾時書帙靜，漁舟盡日釣絲輕。
故家好訪春秋學，上國多傳月旦評。
頗有老懷煩錄事，到州為問范先生。

大廷策士問經世之道，僕忝在讀卷之列，觀諸進士所對，有感賦此錄以贈別。錙性粹中，支渭興文舉，二賢良。

昔人有欲問先天林下相，期二十年已向塵埃成。
白髮尚從

燈火事青編，獲麟誌春秋。後鳴鳥猶聞禮樂前，春雨未來農事脫。
獨懷歸計在山田。

羅朋友道擢高科，拜官還崇仁，賦此為別。

重溪疊嶂竹交加，曾著芒屨踏白沙。名勝多年嗟寂寞，文章此日羨才華。
青雲步武纔重見，白屋詩書尚幾家。鄉邑相逢煩告語，好敦忠信作生涯。

白沙友道居道之昔崇仁有同馬國朝六科崇仁奉進士第者惟家弟友道才二人也云重見所以際期望於來者云

贈趙生

天門一日觀黃榜，茅屋三年掩素扉。
湘帆蠹魚春雨潤，練棹螢火夜光微。
夢游朔雪留鴻跡，懸入南山望鶴飛。
會倚官牆看射策，上林初日炫朝衣。

贈昇龍觀主

揚子親製先生號，賜與江南謝舜咨。
太華雲開天使下，少微

星動中宮知龍飛滄海留珠樹虎卧丹房守玉芝聖主無爲
千萬壽更應禁館候安期

訪李真人不遇

退朝花底佩珊珊去訪真人曉出關芳草欲迷行徑古長松
深護步廊開蒼龍挾雨得瑤簡白鹿穿雲致玉環如到天壇
看月影定知清露洒人間

賦壺洲

傳聞海上有玄洲曾是安期舊所遊千頃白雲都種玉一杯
弱水不勝舟魚龍夜護黃金鼎鸞鶴晨朝紫綺裘波浪不驚
星斗近步虛聲裏度清秋

完哲篤下第歸蜀

西郊長憶草堂吟塵外幽居更可尋奏賦上林春事晚携書
舊隱歲華深濯錦江波紅灩灩浣花潭水碧粼粼白頭未覺

歸歟莫待子重來獻好音

吳宗師夢予得山居奇勝特其愛覺歷々分明忻然相告賦此

夜來夢我山居好笑我平生豈有之野服許辭金殿直俸錢
足辦草堂真安知蓬島非兜率不是匡廬定武夷還有勝緣
同晚歲至人無睡已多時

畝空簡伯司業分俎

憶昔同堂肄樂歌朝陽煦々午風和炮羔升俎堆紅玉醕酒
盈尊况綠波坐席已成三載別交情猶似嚮時多尋常飽德
寧私我願賦緇衣上禁坡

次韻朱本初訪李漑之學士不遇

城南城北煖塵飛伐木相求苦未歸吟到碧桃還細雨行尋
芳草又斜暉綺牕綠筆題詩徧斗帳沉香入袖微共載小車

勝上馬重遊莫待曉紅稀

寄趙子敬平章

聞道乘閒入翠微，猶愁嵐氣濕人衣。
道傍野樹飛花盡，溪上春雲作雨歸。
故舊釣絲輕在手，仙人棋局靜忘機。
赤松曾許同千載，儼向高秋傍鶴飛。

仁壽寺僧報更生佛祠前生瑞竹有懷故園

聞道故園生瑞竹，試從來使問何如。
蒼筤獨出千叢裏，翠節駢生數尺餘。
比管可吹丹穴鳳，長竿莫釣錦溪魚。
折筵已向靈氛卜，亦說能歸似兩疏。

聞道故園生瑞竹，令人歸興滿江干。
扁舟不畏瞿塘險，匹馬誰云蜀道難。
杜甫溪頭花匠匠，孔明廟裏柏闌珊。
新堂題作歸歟字，定得臨江把釣竿。

聞道故園生瑞竹，山僧爲我重栽培。
百年雨露餘生息，一日

風雲幾往歿壠上，枯桑烏萃止城東。
華表鶴歸來聖恩，若許歸田里。
千石清尊爲爾開。

聞道故園生瑞竹，吾家孫子好歸看。
佛祠竟日春陰覆，先隴多年莫雨寒。
門戶淒涼嗟老病，鄉閭迢遞報平安。
重來慎勿勞余夢，駟馬橋邊據馬鞍。

題張太玄爲陳升海畫廬山圖

誰向匡廬成舊隱，書中一似夢中看。
千株松樹衆天起，一箇茅亭傍水安。
清風空谷傳吟嘯，白日高岑生羽翰。
寄語山中陸脩靜，葛巾不畏過溪寒。

別國史院鼇峰石

秋雨每吞數尺身，文章曾見百年人。
吁嗟一代興王盛，付托諸公製作新。
垌野有詩皆在魯，泰山無刻更先秦。
鳳麟一去無消息，穴使駑駘愧後塵。

執戟楊郎久不遷，頻年從幸到甘泉。賜歸特許先三日，作賦時令奏一篇。翠勻娛人花帶露，貂裘倚馬草橫煙。殷勤爲謝堂前石，何處來秋共月圓。

神鳳琴

鳴鳥人間久不聞，遺絃欲托斷琴絃。曾看土鼓歌朝日，亦共陶尊醉夜分。五色雲中迎太一，九疑山下望湘君。采詩應被唐風譜，早晚樓船或祀汾。

繼陶居士傳

汲水滄江蜀嶺高，飛蓬千里棘心勞。道間化虎作人語，城上慈烏向子嗥。玉樹斷歌殘玉氣，朱門往事付鴻毛。將軍莫歎今爲庶，居士當年已繼陶。

謝書巢送宣和瀘石硯

巢翁新得瀘州硯，拂拭塵埃送老樵。毀壁復元知故物，泥沙

俄出認前朝。墨翻夜雨天垂深，墨沈春水地應潮。恐召相知令草檄，爲懷諸葛渡軍遙。

送蘇伯脩御史

新除御史南臺去，頓覓文星闕下稀。病起可堪江霧濕，信還莫待死花飛。千年鳳鳥來阿閣，萬里鱸魚出釣磯。總道楊雄文最古，君知頭白久思歸。

次韻柯玉文寄別

避弋驚鴻過遠汀，嗚咭病鶴想垂亭。臨卭狂騎情都盡，於越扁舟影曠寬。莫詢溫室樹，君玉猶問楚江萍。重來賈傅非年少，前席從容對夕廷。

謝書巢惠梅花

巢翁遠送梅花樹，正在東風四日前。紅萼無言餘舊雪，白頭相見又新年。喜從嘉樹來江雨，憶共香杭上海船。春夜不眠

賓客醉已留孤鶴伴清妍

再用韻簡集翁

豈無尊酒梅花側聞道長齋續佛前方閣護雲且煖日小車
衝雪稱高年願辭閣下金蓮炬但乞湖中菴畫船約取集翁
携鶴去鬢毛同白不爭妍

送玉泉長老栗木果

非青非黃栗木果使者西川馬上來
楚國共疑金橘味衛人祇道木瓜栽
頻婆妙色情懷別橄欖餘甘齒頰迴
歸到玉泉應說法試令閑老聽轟雷

送王君實御史

頓覓文星闕下稀旁人猶道此言非
東風十日京城雪西道三春客子衣
賜蒲輞川君定到鴈啼劍閣我思歸
千花並繞圖書府相待承恩入紫微

寄句曲外史張伯雨

獨抱長纒管白雲琴心誰錄內篇文
清齋二日秋仍瘦編禮羣真夜每分
石記恐妨塵外事山經聊許世人聞
已從司馬求真錄更為通章九老君

寄富馬昂夫總管

白髮先朝舊從官幾年南郡尚盤桓
九華山裏詩題徧采石江頭酒量寬
鴈到京城還日莫馬懷餘棧又春殘
何時得共鳴皋鶴八月匡廬散羽翰

觀大洞經書與董道士

江東昔有大茅君大藥親令二弟分
紺綠俄消頭上雲空黃初合洞中雲
雷鳴春谷龍二變月滿秋空鶴一羣
一落人間成老大何年名字刻瓊文

送劉宗師歸茅山

長松落：千峰雲碧漢寥寥，一鶴風十月暫離。曲瀾早春
還謁大明宮。君王舊識蒼龍劍，圖畫新傳白髮翁。把酒紫芝
歌隱德，三茅應聽月明中。

與薩都刺進士

當年薦士多材俊，忽見新詩實失驚。今日玉堂須倚馬，幾時
上苑共聽鸞。晉生誰謂年猶少，庾信空慚老更成。唯有臺中
馬侍御，金盤承露最多情。

送歐陽元功謁告還瀏陽

憶昔先君早識賢，手封製作動成編。交游有道具三益，翰墨
同朝又十年。心似古人機獨敏，用周當世德仍全。雍祠已有
蒼崖石，欲托高文與代傳。
曉奉新書進御床，解纓隨見滌滄浪。歸鴻不計江雲闊，倦鷺
空懷野水長。竹簟暑風魂夢遠，茶烟清晝鬢毛蒼。蒼藍輿千里

宜春道投老相求訪石霜

送王師魯編脩祠南鎮

山陰巖壑多塵迹，王事能來况莫春。太史好探神禹穴，老夫
先是會稽人。海東日出雕闌近，湖上風生白苧新。若得拖屨
同晚飯，便從賀監卜為隣。

次韻楊友直

真館能容客，避賢深簾飛絮書。冥冥數枝為藥，誰相贈一束
生芻。故可招坐定，敲馬雷經席上酒。闌纖月在林標，何由長共
陶弘景。聽取松風作鳳韶。

題東平王與盛熙明手卷

宋宣和手勅一通卷首題識四字我朝

英宗皇帝御書也。帝嘗以至治三年正月十五日幸

五華山，臣有以此書獻者，丞相拜在侍側，就題以賜之。

既歸第曲先盛燮明寫金字佛書一帙贊丞相承相因
以此卷贈之且語以其故至順二年三月八日燮明屬
歐陽玄記其事於左方

聖代御題前代勅小臣叨備史臣書事業又爲人土首文章
猶作世璠瓊海淪碣石圖空在星繁祁連計已疎誰識全燕
天所靳萬年形勝帝王居

和馬侍御西山口占

岩堯宮殿水西頭春日時聞翠輦遊霧引旌幢連閣道風傳
鍾鼓出城樓群臣頌德全爲刻萬歲稱觴玉作流避暑醴泉
涼氣早旋京應喜大田秋

到先隴爲墓人書

未忍他鄉作故鄉故因使騎入陵陽鄉人共訝聲音似客路
疑將髮髮蒼親老長懷鄉里意孫多宜置墓田旁治生自可

依讀高數頃膏腴八百桑

八月十五日傷感

宮車曉送出神州點霜華入散衰癯復文章通北禁空餘
涕淚洒清秋苑中首藉烟光合塞外蒲萄露綠最憶街前催
草認承恩回首幾星周

題煖翠亭

老去唯思卧白雲一亭萬竹喜初聞波田曉日鷺鷥並沙散
晴烟翡翠分把釣左泉歸衛女乘舟北渚望湘君誰能獨采
薇盈袖却道高寒思不群

送許有孚赴湖廣提舉

奉詔論文秘殿西才華知合藉金閨恩親浩蕩江波遠恋闕
遲回苑樹低望鶴樓前移絲鷓吟詩花底聽黃鸝歸來尚覺
春風早鴈字充庭玉筍旬齊

賦石竹

積雪初消夢綠華東風吹動絳綃霞龍嘘石氣千年潤鶴過
林陰一徑斜刻字欲尋金錯落折旌如織翠交加綺牕坐對
吹笙暖未覺人間歲月賒

集為朶兒只慎齋平章題紫微亭用王右丞語也
并賦詩一首奉寄

右丞昔向終南住獨對南山賦紫微春雨乍收原上牧晚晴
仍見谷中歸好留杜牧為賓客更覓園公共庶微聞道新亭
多雅興想持尊酒看清暉

賦碧筠堂

江東雨後雲碧筠堂上注方尊眉山老去無賓客番水
春生有子孫團扇晚涼留翠黛疎林纖月對黃昏問誰吹得
葉差玉為斲蒼苔向石根

奉同吳宗師賦蔡七相新齋

城南烟樹聽鶯啼石上莓苔覓舊題自有琴心傳內景更將
書帙事幽棲晚來相鶴風生竹雨過龍鵝水滿溪蜀客草玄
成底事蕭條白髮愧青藜

次韻吳宗師

硯池滿貯薔薇水嬰腹輕磨翡翠釵仙苑烟雲隨地煖道山
風日向春佳菓筵夜鳴金屋飛鳥時步玉階祗恐江頭
花事晚謾勞車馬賦示齋

寄來鶴亭主人

德清舊館何時到雨後春泉定滿池綠字久無弘景信紫苔
應長少霞碑數峰烟樹天垂野千頃鷗波雨散絲海內交遊
多老去為誰溪上放船遲

送王中夫赴安慶教授

太行積雪都消盡船到舒州水正高江樹連城分野色門生
加豆薦溪毛尋原自共書山石問字誰能載醴醪為覓種椒
張處士早收丹實待歸劬

子延祐己未秋南歸安慶城東有張教授與予
同舟從者得椒實數升至江右種皆成予復來
京師又十數年中椒已無存者可為求種秋
過江上行取之尔

送張兵部巡視運河

畫橋水判動龍舟鴨綠嫩出御溝使者旌旗穿柳過人家
鳧雁傍溪浮桃花吹雨春牽纜江水平堤夜唱鷺雁有餘波
方浩蕩不令歸楫恨淹留

謝吳宗師惠墨

念我衰年不廢書錦囊古墨送歸居明憇塵影丹同執玄圖

差

雲英玉不如敢為文章勝虎豹祇應箋註到蠅魚研磨不盡
人間老傳與兒孫尚有餘

再和

慣見天真按筆書七言宛麗出閒居誰云太璞無存者藏在
丹房已父如寫韻臺虛人跨虎換鷺池暖水生魚玄霜比似
金丹秘祇得刀圭便有餘
家傳戈法負遺書得墨深將藻繪居華采每慚誇既往平安
聊遣問何如畫殘翠黛愁蛾綠寫得黃庭碑蠹魚鬚髮如霜
還可染硯池不敢棄君餘

三用韻合量巢翁就以奎章賜墨賜之

隣父長思長史書不辭頻謁心巢居臨池二月玄霜盡對月
千篇白雪如賦敵洛波翔翠羽歌成湘浦賸文魚故分瀘石
松烟色猶是奎章舊賜餘

四用韻寄吳宗師奉祠城東岳祀其一謝夏真人
送海棠一枝

休奉東封遠獻書神宮咫尺九重居香飄秘殿人顯若靈降
方壇樂翕翕如水上祓除祠候燕雨中歸牧夢占魚此時最憶
風雲地濯以清沂詠歎餘

定計歸來已束書高齋虛寂似禪居好花送與春風共病目
愁看宿霧如四月落林多野筍半陂流水足溪魚今春又過
今秋早一飯跣趺不願餘

謝吳宗師送牡丹

人人看盡洛陽花誰似堯夫小小車高閣每煩君實望西街
還過伯淳家東風寒食吹烟散燕子空梁暮景斜最憶青城
坪上樹樵人祇向檐頭誇

題著色山圖

江樹重々江水深楚王宮殿在山陰白雲初飛生春浦翠黛
嬋娟對晚岑宋玉少時多詠詠江淹老去倦登臨扁舟却上
巴陵去閑聽孤猿月下吟

題能太古畫

亭上長松三百丈何人可以此經過窮冬藜杖出同谷清夏
盤盞還曲阿栖鷗每來從島嶼老後時復下藤蘿王維章屨
久不見病目摩挲愁奈何

送趙伯常自中臺出貳淮憲

淮南地沃偏宜麥况可扁舟弋鴈鳧此地正須能賦客中臺
新剖使君符山城過雨鷺春盡野老扶藜到日曛行部若臨
江岸瀾烟波舟有漁夫

送淨慈書記

寒梅的々西來意翠竹青青劫外春日出碧鷄山作霧雲空

彩鳳地無塵八年寫漏湖光好萬里歸來月色新我在錦官
城裏住白雲滿屋便爲隣

送趙秉彝因王君實末章以起句

朝裏儒冠盡白頭斯言二復使人愁芳叢獨見芝蘭樹蚤歲
不矜穉稗秋藏書靈谷訪遺老把釣清江懷故侯大中梁棟
小椽稱匠氏尋引還相求

題畫

緝熙殿裏御屏風零落誰收百歲中錦樹總會春雨露盡橋
猶是舊青紅花開陌上懷歸燕潮落江頭送去鴻何似綠波
生大液絳桃風急綵船東

城東觀杏花

明日城東看杏花丁寧兒子蚤將車路從丹鳳樓前過酒向
金魚館裏餘綠水滿滿生杜若煖雲將雨少塵沙絕勝羊傳

襄陽道歸騎西風擁鼓笳

題張希孟中丞送畢提點申達卷後

十年七聘不還朝起爲飢民夜駕輶嘉樹百年誰忍代生芻
一束不能招西州華屋交游少北海清尊意氣消欲寫濟南
名士傳泉聲山影晚蕭蕭

寄海南故將軍

海上風來五月秋晚涼應上木蘭舟金盤丹荔生南國玉椀
清冰出北州狂客醉時花作陣美人歌罷月如鉤期門舊識
將軍面從獵還披翠羽裘

次韻宋誠甫學士城南訪病莫歸

駢馬城南負舊題飄蕭席帽碧雲低東風花柳過韋曲落日
兒童唱大堤繡閣豈無和玉髓錦囊還有鑄金蹄歸來吟轉
樓頭月池冷夫容翡翠柄

寄泉南三老人

春城連海樹扶疎中有幽人八十餘度信流傳江左賦伏生
零落濟南書鄰翁社舞尊多酒弟子晨炊饌有魚前代衣冠
今絕少故懷三老載安車

次韻會衆仲助教相壽之句

老牛無力服柴車道遠鞭驅未到家碩果當留霜後樹寒梅
深辨雪中花青城萬里懷空谷滄海千年望太霞願有良朋
相慰籍釣竿隨分倚江沙

題康里子山尚書凝春小隱六韻

羣玉府中香滿袖凝春亭裏看花開綵雲近席微風動紅日
當牕好客來西海珊瑚階下長東家胡蝶雪中圓竹深每聽
尚書履池暖時分太液盃鳳唳浮烟金錯落鵝群隨水白
棊
總人間應得函封帖青李林禽繞舍栽

次韻杜德常博士萬歲山

秘閣沈沈便殿西頻年立此聽春鸚風搖翠岸新生柳雨浥
銅池舊產芝玉几由來常咫尺衡門此日遂栖遲申生欲去
柴車在杜甫長吟雪髮垂墨沼遊魚翻宿藻書檣飛燕育晴
絲山中竹簟涼如水應夢釣天九奏時

次韻宋顯甫

御溝雪融三月初鳧鷖鴻鴈總來居蒲萄水綠可爲酒楊柳
條青堪貫魚迤邐天河起箕尾混漾雲海洋青徐舟前花落
傍飛燕隄上風來濕舞裙翠輦時留金駮裏錦波不著玉夫
渠臨流宋玉偏能賦莫待東都客問予

絕句五言

燕陳公子宅贈燕學士

落日照大隄花間聞馬嘶城頭鼓角起相送五門西

宣和墨竹寒雀

洒墨寫琅玕深宮春書閒蕭條數枝雪不似紇千山
上馬

眼昏身手鈍上馬怕風沙祇好扶藜杖循籬看落花

題且僉司所藏慧甄腐瓜行蟻圖

瓜腐來螻蟻悟生致鳳凰荒園空宿雨阿閣自春陽

雙鷺圖

戢翼石梁陰秋風日夜深使君莫行野江水蕩人心

畫扇雀竹

啄粟野田莫飛鳴亦求雌誰家江上雨發船歌竹枝

畫扇柳蟬

不食遂終日長吟如老翁金盤九秋露玉樹一絲風

畫雙蝶

舞罷庭花落池邊看睡鳥無端雙蛺蝶飛上繡羅襦

商德符畫松

松根生茯苓松葉纏兔絲服之可長生歸哉甬山陞

河梁泣別圖

落葉滿長安秋風漢節還裁詩寄歸鴈三月到天山

題蒙古松壑書

長風壑中來吹雨洒高竹憶昔曾見之終南跨黃犢

補魚圖

網罟日相從天寒澤國空釣竿長倚樹老却渭川翁

子昂畫

拂石聚竹間采蘭幽林下游子惜忘歸何以遺遠者

右

松上一枝雪竹間千本蘭江濤嗟遠道風雨憶春寒

雜寫

韓子登華封，縣令捐其階。囂呼始得下，亦不傷雅懷。

右

粵人善操舟，先去令人愁。今年水未落，不見尊鱸秋。

右

狂罵人不怒，徒然傷天和。問君丹丘月，當勝白蘋波。

右

雲間陸士龍，寧知千金贖。文章倘有取，論薦何愧辭。

右

長鬚一握雪，昏目九重雲。不為成去計，猿鶴皆愁紛。

右

夕望姑蘇月，晨瞻太湖波。金章還闕下，隨意覓漁蓑。

右

貪祿戀君恩，三年金馬門。願於堯舜世，頭白老人村。

題柯敬仲雜畫

北苑今仍在，南宮奈老何。青山解浮動，端為白雲多。

右

雨過蒼苔石，雲生翠岸泉。幽懷春冉冉，稚子秀娟娟。

右

鐵石餘生色，冰霜作曉妍。春雷明日起，何處尚龍眠。

右

雨過黃陵廟，蒼梧雲正愁。何時倚虛幌，對此滿林秋。

右

江上秋漠漠，風雨晚蕭蕭。千載誰相識，惟應待老樵。

右

昔過管寧客，鉤衣石甬斜。疑尋龍作杖，拾得上天槎。

右
黃金千瑣甲，瑠玉六簾鉤。雨送鴛鴦夢，烟籠翡翠愁。

右
娟之生玉潤，楚之作金聲。羽扇迎風定，羊車過月明。

右
峽口春雲重，江南夜雨多。水深桃李渡，風急竹枝歌。

右
蒼涼初出日，黃落早知秋。不遇采芝客，寧知叢桂幽。

右
明堂要梁棟，大匠取修直。鬱屈崖石間，秋風動蕭瑟。

右
平陸蒼龍起，近山生遠烟。前村三萬頃，明日水平田。

每苦口生石路翠，竹自交加不惜青。鞵濕臨流踏白沙。

右
昨夜采樵去，偶逢三尺枯。山人不到海，不識是珊瑚。

右
瀟洒一枝新，惟堪掃淨塵。白雲在窓戶，留作老僧隣。

題李漑之學士湖上諸亭
烟蘿境

玉女乘烟霧，松間采薜蘿。飛行了無跡，明月送空歌。

金沙灘上日，潭底見雲行。祇有琴高鯉，時人或作群。

春水如天上，秋潭見月中。如何列禦寇，猶欲待冷風。
漏舟
紫霞渡滄洲

洞裏琴鴻澗洲前棹入雲凝尋雲谷與同訪武夷君

秋水觀

湖深山影碧天淨月光空幸自無波浪蘋花漫晚風

無倪舟

三周華不注水影浸青天不上銀河去空明擊棹還

紅雲島

日出湖邊曙雲生島上紅絲舟移曲岸白塵對微風

蕭閒堂

受業蕭閒老令人憶稼軒高堂何處是湖曲長蘭孫

松關

黛色浮空表蒼髯積雪邊鷄鳴從此度掉臂向秋天

大千豪髮

善聽返無聲善視人無覩還將一絳雲散作萬山雨

觀心

炯々燈留室殿々息若存仰探當月窟俯察識天根

題熊太古畫

路過秦時檜家留蜀道山長安都看徧回首入柴關

右

海內此亭古幽村春事多扁舟歸未得江水已生波

敬仲竹樹古石

雪樹寒逾勁霜筠晚更脩玄雲動蒼石令我憶湖州

六言

題柯博士九疑秋色圖

余獨游兮洞庭野雲徘徊兮天將雨望九疑兮不可見結幽
管弄兮聊延佇

題柯七畫

登孤立而望遠見江上之楓林放余舟方澧浦何天高而水深

道園學古錄卷之三



